

UGOVOR O VANREDNOM ORGANIZOVANOM PREVOZU

Zaključen u Sarajevu dana 19.07.2018. godine, nakon provedenog postupka javne nabavke u skladu sa odredbama Zakona o javnim nabavkama BiH („Službeni glasnik BiH“, broj: 39/14) – u postupku dodjele ugovora putem direktnog sporazuma, između:

1. **„Hare“ d.o.o. Sarajevo**, sa sjedištem u Sarajevu, ulica Džemala Bijedića 14, koga zastupa generalni direktor Moco Šaćir, ID broj: 4201187330009, s jedne strane (u daljem tekstu: prevoznik)
- i
2. **KJU Dom za djecu bez roditeljskog staranja**, sa sjedištem u Sarajevu, ulica Bjelave 52, koju zastupa v.d. direktorica Samira Puzo, ID broj: 4200556690000, žiro račun: Depozitni račun Kantona Sarajevo, s druge strane (u daljem tekstu: korisnik prevoza)

Ugovorne strane su se sporazumjele o sljedećem:

I. PREDMET UGOVORA

Član 1.

Predmet ovog Ugovora je uređivanje međusobnih odnosa ugovornih strana radi vanrednog organizovanog prevoza grupe putnika korisnika prevoza kao organizatora putovanja, a koji će se obaviti na relacijama: Sarajevo – Boračko jezero – Sarajevo; Sarajevo – Zaoštrog (HR) – Sarajevo. Prevoz na relaciji iz stava 1. ovog člana obavit u skladu sa ponudom prevoznika protokolisanom kod Ugovornog organa pod brojem 1495-2/19 od 18.07.2019. godine, koja je sastavni dio ovog Ugovora.

II. PREVOZNA SREDSTVA

Član 2.

Ugovorne strane su saglasne da se prevoz iz člana 1. ovog Ugovora obavi autobusom koji ispunjava zahtjeve Korisnika prevoza po udobnosti i komforu, posjeduje potrebnu dokumentaciju i opremu u skladu sa zakonskim propisima iz oblasti drumskog saobraćaja. Autobus posjeduje klima uređaj, audio i video sistem, frižider i wc kabinu.

III. CIJENA PREVOZA

Član 3.

Cijena vanlinijskog prevoza iz člana 1. ovog Ugovora utvrđuje se u skladu sa Ponudom prevoznika protokolisanom kod Ugovornog organa pod brojem 1495-2/19 od 18.07.2019. godine, kojom su utvđene cijene usluga za vanlinijski prevoz.

Cijena prevoza na ugovorenim relacijama iz člana 1. ovog Ugovora iznosi **2.254,70 KM bez PDV-a**. Plaćanje će se izvršiti po dostavljenoj fakturi Pružaoca usluga, prema pravilima trezora Ministarstva finansija Kantona Sarajevo.

IV. OBAVEZA PREVOZNIKA

Član 4.

Prevoznik se obavezuje da će prevoz grupe putnika – korisnika prevoza vršiti na način određen ovim Ugovorom, te da prilikom obavljanja vanlinijskog prevoza neće primati druge putnike osim grupe putnika - korisnika prevoza.

Prevoznik se obavezuje da u dogovoru sa koordinatorom puta obezbijedi po tri stajanja u minimalnom trajanju od 10 minuta.

Prevoznik je dužan da vozilo kojim vrši prevoz iz člana 1. ovog Ugovora obilježiti oznakom da je vanlinijski prevoz.

Član 5.

U slučaju tehničkog kvara autobusa u toku vožnje koji onemogućava bezbijedan nastavak vožnje, Prevoznik je dužan da otkloni kvar u što kraćem roku ili da obezbijedi drugi autobus istog ili sličnog kvaliteta i komfora.

V. OBAVEZA KORISNIKA PREVOZA

Član 6.

Korisnik prevoza preuzima obavezu urednog čuvanja prtljaga grupe putnika – korisnika prevoza. Korisnik prevoza preuzima obavezu čuvanja imovine prevoznika.

VI. PRELAZNE ODREDBE

Član 7.

Ugovorne strane su saglasne da će se eventualni sporovi nastali u realizaciji ovog Ugovora rješavati mirnim putem – dogovorom, a ako to ne bude moguće nadležan je sud u Sarajevu.

Član 8.

Ovaj Ugovor sačinjen je u dva (2) istovjetna primjerka od kojih svaka strana zadržava po (1) jedan primjerak.

ZA PREVOZNIKA

Broj:
Datum:



ZA KORISNIKA PREVOZA

Broj: 1495-5/19
Datum: 19.07.2019. godine

